

Simpozij o slatkovodnom ribarstvu

U Zagrebu je održan međunarodni simpozijum o slatkovodnom ribarstvu. Organizator simpozija bilo je Poslovno udruženje privrednih organizacija slatkovodnog ribarstva Komatexport-Import Zagreb. Simpozij je radio na zajedničkim sjednicama i po sekcijama. Trajao je 5 dana i to od 24. do 28. IX 64. Pored naših istaknutih stručnjaka simpoziju su prisustvovali i najeminentniji stručnjaci iz Austrije, Italije, Narodne Republike Mađarske, Čehoslovačke socijalističke Republike, Narodne Republike Bugarske, Sovjetskog Saveza, Izraela i Narodne Republike Poljske. Organizacija simpozija bila je na zavidnoj visini. Za učesnike je bio osiguran zajednički smještaj u hotelu »International«, a sam simpozij radio je u dekoriranim dvoranama Radničkog sveučilišta »Moše Pijade« gdje su bili montirani i uređaji za simultano prevođenje. Dakle odaziv za simpozijum bio je iznad očekivanja.

Nakon podnošenja brojnih referata za učesnike je organiziran izlet na Plitvička jezera i pastvskom ribogojilištu Bregana. Posebnu pažnju učesnika privukao je posjet ribnjačarstvu Poljana, na kome je direktor ribnjačarstva inženjer Cvjetan Bojčić na zoran način

prikazao čitav proces proizvodnje i vlastita dostignuća na ovom uzornom objektu.

Organizatoru simpozija oko pokrića troškova pomogla je Privredna komora i Savjet za naučni rad SR Hrvatske. Simpozij je ocjenjen i dobio priznanje svih domaćih učesnika i gostiju iz inozemstva, kao i posebno priznanje najeminentnijih stručnjaka iz Izraela. Posebnu pažnju zaslužuje izlaganje gospodina Sarig-a koji je naglasio da je Jugoslavija prva zemlja ne samo po tehnologiji, već i po količini ribe. Ukratko rečeno ovaj simpozij je bio vrlo dobra manifestacija dostignuća u slatkovodnom ribarstvu i nov doprinos potpunog afirmaciji ove grane privrede.

Izneseni referati prikazali su materiju i problematiku slatkovodnog ribarstva gledanu sa teoretskog i praktičnog stanovišta. Narocito neki od referata zaslužuju posebnu pažnju i od dragocjene su vrijednosti. Redakcioni odbor poslovnog udruženja pregleda i sistematizira materijale i priprema ih za štampu. Štampani materijal bit će od neprocjenjive koristi za daljnji napredak slatkovodnog ribarstva.

Pero Pogrmilović